





邊華泉集卷之六

七言律詩

和東翁家訓四章爲整菴相公作

封事休將入帝宸。致身安得自由身。書迴梓里家無恙。望重文昌國有鈞。金馬久期黃閣老。碧山常對白頭親。深憐問寢趨朝夢。半在昏鍾半在晨。

宛洛分携五見冬。豈知遷轉得相逢。潘垣子不慙。京兆禮樂喜深愧。秩宗寒宴水西開。紫菊暮恍江上對。青峯朝正切感當元會。十載重聞鳳闕鍾。

千里正愁歸遠道。一燈深喜借餘光。不緣駿馬威相近。豈



得豺狼跡自藏。橋市水雲兼。上下斗城星。宿接低昂南都。  
浪說神仙府。不道神仙夜亦忙。

金陵二水三山地。白筆冬懸海日光。駿骨久知天下少。豹  
文虛擬霧中藏。闌臺望重桓公雅。藝苑名過趙子昂。倚馬  
共推才力健。漫將官守較閒忙。

見素林公坐上喜雨

蕭蕭靈雨夜垂空。露浥葵心映燭紅。忽報水侵庭礎外。不  
知花盡漏聲中。雲雷自識經綸象。造化同歸燮理功。我欲  
登堂問昭感。如公真見古人風。

毛給舍宅話舊限韻

燕歌聲接楚歌聲。別恨迢迢苦未平。花少共憐春色晚。風  
多猶覺暮寒生。十年奔走青山故。萬里歸來白髮明。倚醉  
不須談往事。且圍殘局坐深更。

戲東黃允升太常

清河水西黃奉常。五年身不到巖廊。誅茅小築憑虛閣。臨  
水新開注易堂。已許白雲隨杖履。更招玄鶴伴壺觴。金陵  
送客初停駕。借問新醪幾甕香。

九月朔兵憲董公召飲。以腹病不獲。參侍几席相邀。  
改期已而石汀豸史冒雨先至。遂爾命觴。且辱肴果  
之賜。感念良晤。談對無緣。口呈奉博一笑。



病思何如酒思狂。閉門高卧雨浪浪。兵曹恰許移芳宴。驄馬先傳繫綠楊。壺外矢聲翻急雨。燭邊花影媚重陽。知君似少金華醞。不遣清尊到客堂。

坐上贈朱升之

暫維沙舸憇蘭皋。爲訪金陵舊吏曹。南鴈獨衝淮甸雪。北風遙送海門濤。尊開子夜情俱洽。賦入陽春調轉高。起舞對君還照影。笑看吾髮已刁騷。

以詩招遠遊琅邪病不能赴荅謝

夢想琅邪擬卜居。入山閒過一春餘。真緣病骨時相挽。可。是高懷迥不如。鳴雨似聞深樹鳥。躍波行見碧溪魚。蘇州。

雅調廬陵記壁上。誰今敢再書。

汪東峰小園即事

退食悠然抱遠思。西園柱笏看山時。春留別塢花明樹。雨過閒塘水到籬。官况不違丘壑想。才名兼得廟堂知。愛君憂樂關天下。長對蒼生擦兩眉。

贈都督馬惟淵

斬將搴旗處處勳。冠軍名姓舊曾聞。班超出塞先投筆。郤縠登壇且好文。海泛直窮蛟窟窟。山驅深入虎狼群。年來上馬披重鎧。要縛單于獻聖君。

寄閒齋汪少宰



望迷烟樹俯春臯人在金陵隔吏曹將折岸花愁遠道欲  
乘江舸畏驚濤星辰地接台垣近海岳名垂翰院高公暇  
兩都應有賦不須重和屈平騷

寄呂思泉太僕

永陽司馬碧山居幾度詩來重起予筇杖日隨東郭履綵  
毫時寫右軍書梅花癖在官先棄鸚鵡才高世共踈吳客  
遠歸憑問信九還消息近何如

寄俞正齋大叅

建業春殘風雨淒惠山東望海雲迷函中尺素封長恨卷  
裏芳洲撫舊題臨檻恰當鶯囀樹步園無柰草盈蹊江門

只隔三朝路何日扁舟過水西

和荅毅齋劉鴻臚見懷之作

水步山行隔歲期冶城春日正遲遲深探已辦千尋縷遠  
望常懸萬里思久愧禮臺稱典故早從民部接芳詞舊京  
林苑多嘉樹擬看遷鶯得上枝

奉荅知山光祿春寺晚歸之作

際曉聞君已出城晚來消息未分明尊開漫自誇清酒詩  
到真如食大羹雪玉細穿春草綠雨簾高捲暮雲平虛堂  
燭火棊枰在可惜無人坐五更

荅灤江王大理



棘臺春靜日端居。藻思玄情入太初。茂叔故應留徑草。公儀安用拔園蔬。極知台鼎身頂到。豈獨邊關事可書。江口暮潮天際月。試從消長看盈虛。

贈伍松月

憶昔荆南遠卜居。相逢曾及鴈來初。山堂習隱秋看桂。郡閣留懽夜剪蔬。天末往來千里道。篋中悲喜十年書。懷君只似江城月。長願清光照紫虛。

寄嘉定章太守

六千里外關山道。十二年中風雨愁。書信不隨湖鴈過。夢魂空遶蜀江流。纖纖凍柳含烟裊。冉冉春雲向日浮。多病

有懷貪遠望。強扶藜杖一登樓。

越岡中丞登舟後有作相示荅之

中丞入奏揚帆日。乳燕鳴鳩月正三。楓陛曉星看斗北。杏花春雨別江南。詩多到處堪題石。駕迫何人敢並駮。苦別登臺遠相望。暮雲斜照酒初酣。

贈石溪殷子

掛冠心跡與誰明。海濶天遙萬里行。巖畔直松傷早伐。仗前朝馬戒先鳴。國恩可報身方健。家債初償事少營。莫把五湖疑范蠡。古今豪傑本同情。

金陵早春奉懷白巖翁次致政志喜之韻



晉山迢遞隔吳鄉。碧樹千重鴈幾行。江上再逢新歲月。篋  
中時檢舊篇章。名叨啓事心常愧。迹阻門庭夢不忘。已恨  
兩京成遠別。可堪蹤跡更殊方。

聞白巖致仕後起居

掛冠西入水雲鄉。笑別東朝鴛鴦行。身對碧山無客主。議  
存清廟有封章。精神合與三光應。寤寐何曾四海忘。閒步  
鵲鴿原上草。祇應流恨憶元方。

得白巖惠書

山童傳信到江鄉。滿紙雲烟墨數行。西洛漫誇裴相國。南  
宮何羨米元章。四朝黃髮身仍健。五嶽丹梯興未忘。觀物

素諳玄化理。不須重問九還方。

夏日端居奉懷

往歲從龍謁帝鄉。步隨仙仗對分行。雲中秉笏陪郊時。月  
裏鳴珪出建章。老去江湖頭易白。別來山斗思難忘。芙蓉  
採得無因寄。愁絕盈盈水一方。

七夕懷南垣劉司空

欲問南塘草暮潮。柳烟蘆月望迢迢。磯頭錦鯉真難掣。天  
外冥鴻可易招。菡萏出波還並蒂。女牛經歲亦成橋。懷人  
已恨蓬山遠。何處涼風引玉簫。

寄遼宗室光澤王次來韻



離荆一十五回春。想猶煩及遠人愁。見碧雲天際合轉。  
憐華髮鏡中新。秋堂鼓吹揮毫夜。雪苑旌旗校獵辰。回憶  
舊遊情萬結。渚鱗江雁若爲申。

賦俞大參正齋二宜園次二泉韻

小園開處弟迎兄。兄未歸來弟早營。堪入畫圖傳洛社。不  
須風雨賦彭城。江鴻海鴈冥冥色。棗李荆花宛宛情。一出  
偶令成白首。始憐身外是虛名。

知山史君園梅始開。邀客過賞時。乃子際赴春試。因  
及之次韻。

萬蕾含胎爾獨先。玉膚瓊蕊照高天。臨風時有暗香度。未

雪早將春思牽。深厚共知培養力。芳菲誰秉發生權。花神  
夜報卽君信。來歲登瀛冠列仙。

答殷石溪雪中見寄二首

瑤華新自石溪來。燭底緘封手自開。銀海散花方獨眩。玉  
山當坐忽先頽。邊橋市近多春鯉。傍枕瓶香有臘醅。晴日  
杖藜堪共酌。細看臺竹與江梅。

白晝春雲接地陰。黃昏春雪覆簷深。洛中遠憶袁生臥。灞  
上真懷孟老吟。江麥秀期欣可卜。隴梅開興恐難禁。石溪  
漁父能憂世。一曲滄浪萬古心。

喜蒲汀少宰卜隣



紫宸西畔白門東。雞犬相聞巷陌同。家遠正須君作侶。病  
多無柰我成翁。池光向月虛含凍。柳意歸春弱。裊風珍重  
雪泥鴻爪迹。翻飛回首五雲中。

壽春劉子希尹言念故鄉有拂衣之興奉問

恨別君今憶舊山。感時予亦念鄉關。天涯岐路幾回首。歲  
暮風塵多苦顏。方朔久踈金馬詔。季鷹終爲玉鱸還。江城  
紫翠群峯霽。望極春雲杳靄間。

寄希尹再和前韻

紫霞蒼靄護春山。郡閣清虛晝掩關。百里不愁淹驥足。九  
重時夢犯龍顏。心傷異域濃花吐。目送中林倦羽還。歸使

過江憑說信。有人相憶水雲間。

寄荅子立董兄

書來休更問新銜。蹇命非才久自諧。遊殺謾誇探虎窟。釣  
竿何用狎龍潭。終知展季三宜黜。豈但嵇康七不堪。傳語  
故交虛北望。已看華髮住江南。

太僕諸僚長以見懷聯句寄示奉簡

滁陽亭館秣陵槎。百里山城隔浦沙。心遠自知江不限。日  
窮誰遣樹重遮。松間霽月宵行圃。竹裏清風晚散衙。仙吏  
兩鄉俱不忝。此中惟恨少琅琊。

晚坐



碧柳陰沉覆古槎。黃昏時見月籠沙。漁梁曲曲深相護。賈  
舶鱗鱗迥不遮。燈影夕懸城外塔。水痕晴落岸邊衙。前溪  
子夜歌聲裊。風景依稀似若邪。

殷石溪遷居二首

溪翁小隱城隅地。窈窕松窓對竹林。習靜不知紅日晚。避  
名真似碧山深。臨池野鶴陪孤立。破雪江花笑苦吟。從此  
鳳凰臺畔路。杖藜應許數相尋。

鑑湖欲並賀知章。洛社何如司馬光。耆舊即今新續傳。  
人隨處可爲鄉。沙溪綠蕙牽風細。水榭青蘿映月長。更喜  
鬱林洲畔石。歲寒相對倚冰霜。

和白巖二首

濟上秋風兩棹開。故人傳報上公來。滄江虹月先占象寶。  
匣龍泉。故引孟吏部。久懸山岳望。仙槎應拂斗牛迴。自憐  
衰病還鄉客。未得從容杖屨陪。

蓬窓誰遣一尊開。報道隣船送酒來。涓滴久閑多病手。勸  
酬虛負合懽盃。生餘秉燭更相照。話接鳴雞未擬回。一別  
忽今驚十載。水鄉何得幸深陪。

再次劉希尹寄荅

吾廬遙結翠微間。綠篠陰陰草徑斑。敢謂圖書存晚計。祇  
應猿鶴笑塵顏。漳濱卧病愁公幹。隴表思歸憶子山。竊忝



秩宗三閱歲素食真愧一身閒

印岡羅郡伯枉臨惠示新篇答謝次韻

徑草芊芊溪日長幽居僻在水中央恰對孤雲悲故國忽  
傳千騎擁東方開筵宛值藤蘿月攜手同懷鴛鴦行取醉  
夜深還秉燭笑看顏鬢各蒼蒼

劉子希尹王子孟宣許携家醞相過草堂薄暮不至

杜子登高以嘲次韻

落日孤城秋可哀碧溪縈帶紫山迴安隨土俗登高去豈  
得隣翁送酒來叢菊破霜開小苑片雲將雨過層臺藤蘿  
石上娟娟月誰共黃昏坐一盃

是夜草堂小集呈坐客

五更城角弄秋哀萬里江鴻避雪迴可但逢時嘆搖落即  
從拋印賦歸來情多實戀風前帽病起虛看雨後臺華髮  
舊人今在幾夜深休負菊花杯

夜會有作呈希尹孟宣二子

幾因離別嘆秋蓬夜榻那期此坐同隣木凍花疎映月對  
簷孤石靜含風尊前節序憂懽裏燭底親交夢寐中休倚  
少年貪不醉楚夫今是白頭翁

九月二十四日遣興奉寄太常諸僚

往歲冰銜竊奉常茲辰光寵異班行斜廊縹緲朱衣月合



駁氤氳玉珮香天語獨聞當北面岳神分祀得東方如今  
病卧秋山裏白髮青燈感夜長

再次辛字韻

遠拋卮酒避芳辛靜對烟空月半輪門掩綠苔真自逸案  
堆黃卷不全貧非才敢竊明時位多病愁看故里春詩侶  
釣朋俱出飲也應回憶倦遊人

夢台峰同登山閣示我以舊題風雨石崖青之句覺  
而足之台峰將巡南郡

白下城隅佳麗亭使君冠蓋昔曾經吳宮晉野蕪人代虎  
踞龍蟠識地形新夢水烟湖柳碧舊題風雨石崖青海邦

漁子春相憶夜指江天認法星

聞台峰舟過清源不遂瞻奉短詩寄懷

隔歲關河音信遲美人千里惜分歧伯華寔愧祁奚舉仲  
父虛承鮑叔知春到水亭花發慶月明山館鴈來時孤帆  
迤邐青鷗遠西望長吟有所思

賀劉希尹生子

碧林春暖鳳將雛滄海宵明蚌出珠前度共占佳夢協後  
來堪作小名呼犀錢色映雕盤果蓬矢香連畫壁弧我亦  
有兒還似子會看同學著潛夫

新庄道中即事次章抑菴郡守韻



步隨芳草愜尋幽。踏遍山亭與寺樓。情入暮春多感慨。地  
過名士亦風流。川長漸覺三花遠。雨足因占二麥收。南望  
嶽峯蒼翠裏。到時深恐白雲留。

送汪監司子宿之江西

彭蠡江山畫不如。到時應及素秋初。千峯落日帆檣外。萬  
井寒烟甲冑餘。瑣闥星辰迎帝座。水鄉甘旨近親除。孝廉  
門第清無比。翻愧羊公壁有魚。

送汪少宰閒齋進賀北上二首

皇居穆穆九關開。有客乘槎萬里來。宮月夜明鸚鵡觀。江  
雲秋繞鳳凰臺。金魚待滿還通籍。赤鳥凌空不染苔。珍重

麥丘三祝意。等閑休當祖筵杯。

送後渠崔司成致仕歸安陽

盧龍山畔菊花明。一片歸帆五西輕。風入暮林稀靜葉。月  
明江雁帶離聲。尊前舞袖娛親志。袖裏封章報主情。六館  
有人爭請闕。願從天子乞陽城。

送介溪嚴太史考功北上

玉亭岐路玉堂通。太史文章五色虹。萬里不論金馬外。三  
年真在碧山中心。如藻鑑明秋月夢。逐蘭舟泝曉風。我病  
稍開涓滴酒。別筵期對一尊同。

奉梧山李司馬送別士重文學之都昌王府文學者



司馬弟也

碧殿朱門地不寒  
楚山斬水足游觀  
尊開醴酒時應醉  
饌出江魚日可食  
作賦豈勞傷  
賈誼獻書休擬學  
嚴安草亭身世義  
皇上一榻清風竹萬竿

郡王文學渡江年  
阜帽青山雪滿顛  
賓館有時來  
曾子講筵終日對  
先賢樹邊竿  
籟臨風聽花外  
丹朱滴露研三峽五湖通  
一水等閑休憶浣溪船

李時佩坐上留別

蘭葉荷花香滿庭  
坐來炎雨霽空冥  
簾開高棟一星出  
酒對故人雙眼青  
沙柳陰森如待折  
候虫淒斷若爲聽  
閒從聚散看身世  
天際浮雲水上萍

送丁考功秉憲之關中

鶯花如錦豸袍新  
建節西行及好春  
周禮職方分二陝  
漢都形勝說三秦  
天浮紫氣函關動  
雨洗青蓮華岳真  
藻思還應有神助  
詩成先寄故鄉人

送羅尹赴博羅司成冰玉公之後也

海國逍遙野興深  
羅浮山下坐鳴琴  
看雲細和東坡句  
捧日常懸北闕心  
三合樹高應蔽芾  
六如亭在且登臨  
西江冰玉家聲遠  
側耳南風聽好音

毛東塘李空同韻贈別張惟信內翰兼呈老懷二首



還里偶逢驅駟日通家難比識荆初青年羨子風雲遂白  
首慚予筆硯疎。玉壘錦江秋獨往漢關秦塞意何如黃扉  
本是絲綸地莫向亭溪學釣魚  
青楓閣下承恩後江葉霜前把袂初。兩地別離鄉國異幾  
年音問故交疎。仙臺望遠君相得學海飛聲我不如。華髮  
盈簪欲歸去。久思尊菜與鱸魚。

留別外簾諸友

浹辰風雨共秋闈坐對朝霏復夕霏萬馬要令收駿骨一  
鐙時得借餘輝。樓中醉酒高情在江上尋仙後約非却到  
荆南候歸鴈佇看雲錦出天機

留別諸友聯句二首

舟子招招催渡開多情臨別更遲徊虛煩竹馬城邊候實  
泛星槎海上迴南郡秋風悲鼓角武昌明月見樓臺懷人  
莫厭書頻寄江口雲帆日往來

荆鄂相望一水間早秋爲別仲秋還乾坤去住真如寄車  
馬馳驅不暫閑白帝城頭烽火急黃牛峽裏戰旗殷江陵  
舊是襟喉地蜀道東來第一關

羊公祠留別憲之元之二都護二首

秋風繫馬意如何三月荒祠兩度過落日大江元自永青  
山片石爲誰磨愁連西極兵戈滿思入前朝感慨多却望



鹿門懷昔隱無端歸興繞烟蘿

巨艦鱗鱗牽渡頭牙旗閃閃耀江流深憐鄂渚將軍號已

入襄陽稚子謳劉晏不窮關內餉子房能運幄中等同功

異代何終極峴首差栽漢水悠時元之督運糧餉憲之為總制參謀故云

劉希尹吏部送祝仁甫考績

棠樹陰陰夾岸長使旌歸繞灞川旁遙占紫氣懷關令却  
望紅雲指帝鄉過里暫看停駟馬入朝還擬詠羔羊春風  
畫省含香地玉珮逍遙綵綬光

送王本一如遼陽

壽君無奈別情何五日生朝客裏過心逐暮雲通漢徵

隨春柳渡遼河重關復嶺狼烟接絕漠平沙鼠穴多應有  
太篇吟出塞不須停馬問干戈

送陳靜齋南歸

泛梗流萍少定踪此歸何地不相逢客帆未掛三江月鄉  
夢先過五老峯山水久應懷六一廟堂終擬召夔龍極知  
離合關交誼莫恠臨岐別思濃

送唐應韶改順天府丞

兩京京兆俱畿輔南接三吳北控燕聞報共欣遷轉地祖  
行兼得艷陽天鳳臺青草春烟裏龍陛紅雲曉目前最是  
都人識桓典向來駿馬故翩翩



送張蕭山致政

拂衣歸卧碧山岑。白髮蕭蕭欲滿簪。居卜剡溪明主惠。望迷燕樹老臣心。層雲烏度江城遠。五月花香水閣深。感慨臨風一長嘯。漫云鸞鶴送餘音。

送鄒黃山考滿北上

駉聲華譽滿留都。社稷蒼生望不孤。八座早登南執法。三年兼考大司徒。風傳海甸鯨波息。石固臺城鼠穴無。心是子年身范老。遠從廊廟憶江湖。

留別貞菴

陰陰汀樹起秋烟。冉冉溪花接暮天。歸鳥獨衝淮甸雨。離

人所上汶陽船。病餘藥物存芝朮。老去心情托簡編。它日會傳招隱賦。緘封應寫渡江年。

留別東園

公子名園恰對城。水亭宜雨更宜晴。樓臺日倒池塘影。絲竹風傳巷陌聲。三月久忘玄酒味。百年知負碧山盟。白門朋舊紛如許。後會應懷歷下生。

送高潯亭

郊林風葉傍筵飛。寺閣霜烟映日微。越水親勞五馬去。蜀江遙阻片帆歸。謝公興在群山屐。杜母恩留寸草晦。海上倘逢黃鶴侶。雲中須寄紫霞衣。



送華戶曹

萬卷曾看秘閣書。兩駮遙駕地曹車。才通國計人俱羨。名在詞林衆不如。潞水夕波明畫幃。淮山春草映華裾。忘年却話論交晚。執手臨岐思有餘。

聖旦寓南太常作

冷城風雨送秋森。萬壽嵩呼五夜心。帝座仰瞻天共遠。主恩遙荷海同深。容臺禮樂虛南北。建業江山自古今。龍輦鳳旌回首地。似聞韶濩奏餘音。

送沈玄齋考績北上

揚子江頭春雨晴。春卿春日覲春明。上台星斗三年別。南

國山川萬里晴。金奏祇須歸頌雅。玉衡差可配寅清。還朝有疏應親達。見說天王識履聲。

送劉繼志下第東還

幾宵燈火醉眠遲。回首孤帆隔夢思。鯨海浪寒愁晚泊。鳳城花老怨春枝。科名會許魁三甲。人物真誰記一時。碧草江亭東郭路。不堪重寫贈行詩。

送張原載黃門弟授職還鄉二首

病入烟霞十載深。出山何意轉相侵。公車晚結蕭郎綬。樂裹春消季子金。池草夢回傳好句。晚蘭歌罷起遙心。西堂別酒還今夕。涓滴無煩報淺斟。



隴隴江旭散林鴉。裊裊江風捲袂紗。燕郭晚春歸處路。楚山明月到時家。仙遊自說投竿好。吏隱誰憐去國賒。夜陟岡應有夢。紫堂青瑣隔天涯。

送王灤江

向來青瑣陪雙入。此日烏臺羨獨行。三品峻階都執法。十年知己老門生。烟開灞岸春先到。日照齊山雪正晴。攀餞却愁心不醉。郭門楊柳曙啼鶯。

送黃伯固進萬壽表如京

鳳紀初開萬壽辰。龍箋遙集九州臣。同憐建業生還客。獨是先朝死諫臣。天拱闕庭周道遠。日臨旌旆漢儀新。彤墀

拜舞霑恩地。已隔三迴黼座春。

送胡中丞伯珩進賀上尊號表如京

羽旗芝蓋拂雲長。鳳輓龍函入帝鄉。星近紫垣歸執法。日明丹扆坐垂裳。元年繼統天無外。大孝尊親國有章。朝下九衢人辟易。尚看驄馬識威光。

送梅軒將司徒致仕歸湘源二首

司徒纔到古稀年。便着荷衣上釣船。隨處燕遊真自樂。此生名壽是雙全。湘源旅夢青楓外。建業歸心白鴈前。留取送行車馬數。後時收入畫圖傳。

奕奕家聲遠近知。士林誰不仰連枝。三台八座同昇地。綠



野青山獨往時。草制即煩親弟手。賜環真荷哲王私。江湖  
廊廟俱傷別。萬里秋風兩鬢絲。

送吳白樓

清風亭上春風座。兩月剛隨杖屨遊。豈謂除書下南國。遂  
教行色近中秋。三朝禮樂歸清廟。一代詞華仰白樓。珍重  
漢皇前席意。故鄉山水莫淹留。

奉送石門程學士典文北上

鳴鹿宵聆賓宴歌。講臣秋考帝鄉科。文歸永樂真相匹。駕  
比歐陽不啻過千里。地靈江右占一時。人傑榜中多西選。  
有夢身先到金殿。東頭白玉坡。

筐山道中留別親故

發春移舸入冬還。北關南都去住間。歸夢不離官寺月。賞  
心猶戀故鄉山。深憐老病元相倚。敢道淹留且自閑。扶醉  
別君西郭路。共看華髮感朱顏。

奉送少傅邃菴翁節制三秦

帝夢非熊起舊邦。側思賢佐隱京江。三邊羽檄來金殿。五  
色龍函到石淙。翁舊號范老甲兵胸有萬。李侯才氣世無雙。  
臨戎制勝尋常事。卓見邊城築受降。

三十年來四入關。土人迎拜想開顏。風雷晚送蛟龍雨。藜  
藿春藏虎豹山。已遣北門歸鎖鑰。更從西海弄潺湲。寥寥



蜀相千年後伊呂誰當伯仲間

東園餞別杏東郭學士

王孫華館即蓬萊。為惜春殘作意來。池上晚花開錦繡。水邊斜日動樓臺。綸巾醉閣山亭樹。蠟屐行穿石洞苔。無奈美人將遠別。竹輿臨發更徘徊。

再送杏東考功北上便道省覲

祖筵晴日照離腸。客思江流共渺茫。西去直看家不遠。北遊虛擬棹相將。壁池花發蕪桃李。阿閣巢成待鳳凰。五色願分庭下綵。入朝重補舜衣裳。

送都憲南屏高公赴鎮

遙承北闕綸詔近。出南曹法從班。龍劍倚空衝夜斗。豸袍迎日動春山。國儲民業經營際。淮水江流保障間。千里舳艫看利涉。雲霄旌旆即須還。

莫愁湖奉餞松月樾岡二都憲仍次前韻

多病春來久索居。祖筵花柳出郊初。湖中遠興依沙鳥。雨外清尊薦野蔬。名姓會看當宇識。勳勞應付史官書。登朝且上安邊疏。漫學文園賦子虛。

送灤江王大理北上

秦官廷尉漢中丞。撫鎮平反兩地稱。范老威名留紫塞。于公陰德在金陵。高懷迥對三山月。苦節清懸萬壑冰。入奏



共知歸政府。遠人離抱獨難勝。

奉送松溪崔司空考功北上

司空風節重南都。一片清冰在玉壺。天日同憐照肝膽。雪霜誰遣上頭顱。身隨鷺侶朝雙闕。夢逐鷗夷到五湖。問說有書先乞老。不知當宁肯從無。

送松溪司空致政東歸

故鄉今日是真還。入里遙應喜動顏。岐路苦辛年歲裏。廟堂勲業夢魂間。閑看暝鳥投深樹。靜愛秋雲卷碧山。傳語綽然亭下柳。元中丞張養浩舊宅去濟城西馬舊枝新葉許誰攀

送錢屋舟醫官歸京口次韻

跨鶴來從碧海東。水樓風雨一尊同。誰言彭祖無千歲。自信淮王有八公。醫國久傳三世業。活人時奏十全功。中年頗覺朱顏少。願把金丹托便鴻。

送松月伍中丞致仕還松滋

中丞鄉土接荊州。門對青山俯碧流。名盛古來須勇退。興高今去且閑遊。寒松獨偃陶潛徑。皎月長隨范蠡舟。匣劍酒酣休暫拔。斗間龍氣正橫秋。

送荊州董別駕之任用前韻

滁陽叅牧幾經春。佐郡遙看牧楚人。沙柳色迷熊軾暗。渚



花香浥鷺袍。新雲連峽樹，通西蜀。月出江梅見，北辰公暇。有懷堪吊古，好傾寒淥奠春申。

送汪生下第還歙

汴上春雱昔我從。江東秋試忽君逢。爭期出榜先題姓，豈料承恩不在容。塵海浪踪歸失馬，雨樓鄉思感鳴蛩。錦標奪取三年後，始信吾曾報士龍。

送乃子恭甫入京次知山韻

待詔初臨鷲薦岐。別家休切鯉庭思。青萍寶鈇初發白，玉黃金價早知。建業秋風鳴麈宴，曲江春雨化龍時。仲舒賈誼俱豪傑，廷對何人是爾師。

送陳太僕歸莆中

端居不愛滁山色。萬里椿庭夢想勞。南國亞卿新秩美，北都司馬舊名高。燈筵雪映傳書鶴，綵服春明獻歲桃。携得釀泉供壽筭，興來應比醉翁豪。

送鍾給事奉使廣西便道省覲

五色宮袍照驛槐。曉辭青鎖暮金臺。庭闈夢遠無舟到，諫議情多有疏來。仙旆遠從荒服過，慶筵重對海門開。石船山下黃梅雨，添取恩波入壽盃。

送秦文學之安仁

三載京華幾勝遊。雨中蕭寺月中洲。天空鴻鴈影初歇，水



冷芙蓉香不流。琴到伯牙堪屈指。句逢東野合低頭。無端  
忽坐江潭去。短棹孤蓬萬里秋。

送趙主簿兼柬同年呂稽勲仲仁

梁溪渺渺錫山蒼。南去天涯客路長。霜下海門潮漸落。雨  
深江甸橘初黃。城池舊識延陵郡。風俗猶傳太伯鄉。卻見  
吏曹憑寄語。一年秋色負重陽。

贈別東塘毛侍御北還

烏臺籍籍振英聲。白簡稜稜下玉京。風動嵩行秋氣爽。月  
明伊洛曉塵清。神羊影過千人避。駿馬聲長萬里輕。老我  
病多鄉思切。碧梧山下擬歸耕。

四月念日琢菴先生坐上留別

綢繆初罷月中琴。客主同懸去住心。已喜石枰涼近燭。更  
憐刁斗亂鳴砧。華星濕綴三更露。碧樹陰開四月霖。長憶  
此尊還此坐。玉珂他日會重尋。

齊河館中阻雨與二三君子宿別

曖曖青燈夜向深。卧聽簷雨話鄉音。水荒田野猶征粟。寒  
入關山未搗砧。江海十年離別夢。道途千里去留心。平明  
且向孤城立。擬看長風破積陰。

牖風廊雨橫。復斜雖有屏。障何由遮。風勢盤盤偃。庭木雨  
聲淅淅飄。簷花古人逆。旅豈貧賤遊。子長年違室家。呼僕



吟燈照行李載書却悔同張華

送都文範才文謫温州節推

萬松深護理官衙嵐翠陰中閱歲華策馬暫拋臺府印登樓常眺海門霞六朝秀句憐康樂四海名山說永嘉落落暎星雲霧裏斗牛何日轉仙槎

次王內史留別韻

畫錦歸來樂事恬海雲西指屋簷添慈顏倍覺逢春好壽酒無妨入夜淹山寺筍興閑裏駕玉堂花架夢中簽新詩處處稱三絕虛遣王郎笑謝憺

送馮有孚歸瓊州省親兼拜掃先隴却赴江州監稅

北風吹浪擁先槎行盡區寰到海涯萬里飛龍天上闕五年歸鴈夢中家瓊枝翠結秋墳草鉄樹香生夜宴花回首潯陽旌節地不同司馬聽琵琶

送華山人歸無錫聯句次韻

碧林斜日照歸鞦馬上人如畫裏仙江館夢魂淮甸雨水鄉樓閣惠山泉書成寄友重題字詩到尋僧不問緣聞說隱君生計好五湖烟浪一漁船

送史徵賢司訓撫寧

客車秋晚過漁陽山海關前開講堂賈誼獻書心耿耿鄭虔去國髮蒼蒼盤中首宿明朝日池上芙蓉冷夜霜聞說



此鄉多俊彥。應傳衣鉢到門墻。

送杭世恩水部分韻得花字

城南飛蓋早移家。河上層冰晚渡車。携鶴未須誇趙抃。載書聊復似張華。霜寒古戍聞邊鴈。日射平臯見海沙。絕愛水曹詩句好不緣。東閣看梅花。

贈別羅子文同年次韻

白馬青衫杏苑東。醉遊曾記往年同。不愁花盡三春雨。長恨蓬飄萬里風。短札幾回傳嶺外。片帆何日到閩中。南樓素月懷人處。夜夜憑闌向遠空。

文侍御宗嚴出按中州次韻

森森河流百尺寬。樓船飛渡曉風寒。西臺御史桓公雅。南國詩人陸務觀。春入汴堤青草合。雲開嵩岳碧峯攢。臨岐未有琅玕贈。報我無勞雙玉盤。

送楊晉叔少卿歸省次韻

珮聲搖月曉烟昏。寶鏹親承玉陛恩。斷杼春暉懷孟母。繞堤秋草送王孫。安平牒絲古逾遠。文敏風流今尚存。閩嶠雪飛鄉酒熟。十年心事與誰論。

送省菴劉太守赴銅仁次韻

萬里南臨瘴海春。倦遊心事苦吟身。舟中翠羽移家遠。枕上紅雲夢闕頻。津吏挾書隨露冕。洞瑤拋弩拜行塵。花開



華亭集卷一  
花落年年事莫問玄都觀裏人

送秦國重郡博

涿鹿山前問涿州華陽臺下水悠悠名高北斗傳新教思  
入東吳感舊遊三館月明壇杏晚兩堦雲影市槐秋漢家  
儒術稱楊振聞說登朝已白頭

送陳子居

客子南征寒臘初朝恩驚拜網羅除雲山獨馬供愁思雪  
路何人問謫居陽翟縣荒空壘峙武牢關在古林踈北畿  
封壤中州接來歲徵賢有傳車

送吳少叅懋貞梨雲軒賦

離宴逍遙不出城梵堂燈火坐冬晴風圍玉兂寒生暈水  
咽銅龍夜有聲兩片瑣圍漸晚步十年詞苑托高情相思  
莫更尋瑤草漢曲春回杜若生

白巖席上奉于蕃侍御留別之作

臘月驅車晉苑東春風相見帝城中自憐岐路經年別誰  
遣鶯花此會同白日心期終不忝清川離思浩難窮舊遊  
長憶松陵道水接長橋月滿空

送顧明府之聊城

上春行縣出東疇桑葉萋萋喚乳鳩道左壺漿迎父老雲  
中冠蓋識君侯魯連箭滅遺書在微子城荒故堞留攬轡





P27



可應空吊古，土風先爲達宸旒。

送胡質軒還京

邃老門墻舊識君，別來踪跡但相聞。冠裳初報九年績，岐路忽爲千里分。門對碧江開晚照，棹隨黃鵠下秋雲。經過待隱園中屋，白酒飄香菊正芬。

送柴廷相少尹之無錫

北客南行路幾何，宦情鄉思渺烟波。舟中暮雪經吳苑，江上春衣試越羅。懷遠漫愁山閣迥，課耕應愛水田多。十年舊事悲重省，休對青松賦女蘿。

送張含赴舉次韻

國佳人，萬里情。夜雨樓中聞鴈別，秋風江上看潮生。兩都詞賦流傳美，不似湘潭吊屈平。

湖亭夜別柴吳二紀功述懷二首

十年青瑣委蛇地，此日逢君感昔遊。簪筆曉隨龍虎仗，鳴琚春入鳳凰樓。倉皇出牧臨江郡，貧病歸來守故丘。溪水野烟俱寂寞，夜深相送不勝愁。

客子別愁何處醒，尹家園裏竹青青。水深不辨堰西路，月出更登湖上亭。鄉土幸看收戰伐，野夫何以報朝廷。華山亦與燕然似，欲洗嶢岩勒舊銘。

送貞菴中丞巡視江防次韻



際曉風帆映月斜客懷江水共無涯極知文事能兼武最  
喜官程不離家農市會看刀買犢詩壇應夢筆生花何人  
得似相如寵守令先驅擁使槎

畢司空宅夜宴留別

楚江叢穉百花明巫峽岩堯萬里情用武空懷蜀丞相牧  
民那遣魯書生山過赤壁磯猶在路轉黃州水更清長憶  
春風別離地畫堂燈火夜三更

送閩帥馬東溪武舉

愾敵曾勞夜枕戈談兵休問計如何箭輕百步能穿柳筆  
掃千軍不換鵝曉殿策名登白虎暮街扶醉轉銅駝封侯

記取承恩日武舉龍飛第四科

贈莊邑博還鄒平

一官欣得孔門登品秩休論第幾層壇杏午陰看鳥下市  
槐秋晚對山凭鳴鍾講道求多士跨馬尋詩問老僧閑過  
范公書院裏拜瞻應拂座塵凝

送章太守朝覲如京師次鄒先生韻

北斗離離接上台帝京人說是蓬萊雲雨樂奏千秋引竹  
葉春生萬壽盃虎節暫隨鳴珮入熊轡應載賜金來漢家  
公輔多循吏誰道公無汲黯才

送郭二守述職如京師



荆南封土接中州路入京華客思幽萬國守臣同獻職九重天子正垂旒通明殿迥春風早闔闔門開霽日浮去去共知當顯擢也應回首仲宣樓

早春登鳳凰臺次韻靜齋

李白何年更此遊荒臺依舊枕江流因歌老鳳懷佳句重向金陵吊古丘梅華柳條俱廢苑日華雲色但芳洲狂夫未有消狂計野立郊吟處處愁

登鳳凰臺呈同遊諸公次李太白韻

苑中芳草玉珂遊苑外白雲晴日流多病未能拋短杖有懷翻怯上高丘垂楊晚映秦淮水杜若春生謝眺洲靈鷲不來阿閣迥酒闌空抱古今愁

寄灤江黼菴再用前韻

晉墅吳山次第遊古來江左擅風流三春忽漫交三月一壑真誰共一丘花隱鹿麋穿別圃雨驚鳧雁起寒洲盧龍有約成虛定徙倚懷人暮轉愁

登報恩寺塔次聯句韻

寶塔窓開日影南偶瞻龍象一停驂含元氣滿三千界舍利光搖五百龕曩曩閭風隨遠步濛濛花雨散微酣上乘別有通玄理豈獨僧家不解參

元世祖廟次王應詔韻



斷碑深倚廟門斜，往事傷心付一嗟。  
春草長沙仍牧馬，晚風踈樹偶栖鴉。  
唐陵漢寢雖無主，北墓南庭自有家。  
欲吊魯連何處取，飛塵如雨亂鳴蛙。

水關東北泛舟晚造希尹別業

隱隱輕雷動水西，水東殘日抱晴霓。  
女牆倒颭紅旗影，農屋斜連綠稻畦。  
張相池臺烟漠漠，閔公祠墓草萋萋。  
迴舟不盡登臨感，却棹涼風過別溪。

教場晚酌次登字韻

百丈丹梯向晚登，將臺高處碧雲層。  
旌旗照水閑相對，睥睨凌霄醉一凭。  
天外忽聞歸樹鳥，月中遙見入山僧。  
深憐

散帙投壺地，夜榻秋杉白露凝。

登明遠樓同灤江定齋茂卿

群公豪爽過陳登，醉卧高樓第一層。  
海岳共迴千里眺，乾坤遙入四關凭。  
城懸暮景初聞鴈，寺出寒山不見僧。  
恍惚洞仙騎羽鶴，紫簫吹斷綠雲凝。

同藩臬諸公北郭泛舟疊前韻

水邊葭葉冷含秋，城外山光晚映樓。  
霜露忽催時物改，乾坤如共此身浮。  
深村曖曖憐荒業，華山之側飛蓋飄飄侶小庄在焉。  
貴游明日擬登華，不注醉看東海豁雙眸。

遊龍洞山辱灤江定齋承菴聯句見懷荅謝二首



愛山無奈野情何路入西巖興轉多千丈碧潭通窈窕四  
圍青壁抱差我時清不射將軍虎地迥難求道士鵝却對  
嶺牛歌白石醉翻朱袖拂雲和  
踏烟衝霧不知寒繞徧山厓復水千峯擁夕陽遙駐馬石  
懸高洞仰凭闌踈鐘隔磻深堪聽老菊垂花素可飡傳語  
北臺三節使擬拚明日盡餘懽

宴鄭氏園亭四首

未須韋杜家家到一出城門便不同折簡敢爲難致客披  
襟先受不訾風中年畏病長辭酒他日重遊定作翁聞有  
袁家紫閣遍尚餘春色繞芳叢

觸熱遙遙一駐驂望中烟火傍山嵐春回花徑殘紅少雨  
過林亭遠翠溼此日圖書還客底故人尊俎又城南水壺  
涼簟留連地時聽黃鸝聲兩三

通家早已見高情且復招陪杖屨行書法臨池王右史風  
流騎馬謝宣城可容佳景無佳句未識此人空此情聽我  
酒酣詠東武爲君倒盡卽官情

一雨長安洗俗塵無端幽意逐吟身偶陪天上神仙侶也  
領城南自在春頗愛簾櫳宜晚色欲移壺榼酌花神此情  
此景君須記明日滄江有遠人

再至居庸二首



塞口重關愜素聞，壑烟嵐雨鎮網緼。雄吞巨海山形斷，秀壓中原地脉分。鎖鑰還須寇丞相，長城不用李將軍。倚窓時送東南目，雙客蓬萊五色雲。

山雲冉冉石垂垂，公暇焚香晚對宜。窺牖亂峯青似戟，穴城孤澗白於絲。人家高下緣溪見，風氣寒暄入塞知。憑語抱關休偃仰，雲中日夜羽書馳。

蔣山次韻

病起尋芳郭外遊，漢人祠廟蔣山頭。千盤鳥道緣雲轉，五色龍江抱日流。隔浦迥看帆窅窅，步林時聽鹿呦呦。松肝積雨莎如鏃，不有桃花宛是秋。

游龍洞山次王定齋韻二首

鳥路縈迴洞壑深，出塵風景愜招尋。山圍下界青天迥，日照中岩翠栢森。浮世可須論去住，病身元不厭登臨。釣磯無恙綸竿整，悵望仙潭玉鯉沉。

洞門黃葉鎖秋深，野客來遊悵古今。恍惚漫傳龍跡在，虛明真似佛光臨。蒼空日月流元化，白晝雲雷起太陰。昏黑下山蘿逕遠，殿鐘龕磬鳥餘音。

登鏡光閣次韻白巖

朱闌遙對夕山蒼，寶樹平臨綺陌長。冉冉雲霞自多態，闌闌車馬爲誰忙。宮槐日下玄蟬靜，渚岸風迴野稻香。不用



登高更懷土即看朝市有滄浪

登嶽次劉希尹韻四首

岱宗山秀百靈屯壁立烟霄萬古存幽府化機盤地軸上  
清真氣接天門霞標日觀青松麗春透龍池碧水溫薄暮  
振衣峯頂石蓬萊東眺海雲昏

北上天門日未斜剛風吹我度崧嶸仙人洞古留丹鼎玉  
女祠高拱碧霞深澗千年猶凍雪陰厓四月始桃花秦封  
漢禪俱牢落細讀穹碑感歲華

玉皇祠畔一凭闌絕頂風高夏亦寒北去塵沙通瀚海西  
來天地是長安青雲迥隔三千界白日平臨十八盤似有

飛仙度幽壑鳳笙聲裏珮珊珊

巖嶂崔嵬雲霧升泰山靈秀古今稱百千萬地豈重有三  
十八年才一登具歿深春來供客松崖落日下樵僧中天  
夕磬泠泠發知在烟巒第幾層

和毛監察秋日登明遠樓作

古今河岳興文地晴霽登臨壯此樓沙海碧雲偏趁日桂  
林清露忽驚秋玉衡冰鑑堪誰並紫燕龍媒正爾求解道  
草茅先許國幾人能抱范公憂

題陳氏水閣次韻二首

畫閣臨溪一舫如主人長日坐觀魚情知黼冕非真樂豈



必江湖是隱居山影落杯浮白際水香侵硯草玄餘春深  
即有移家約莫笑狂夫此意虛

吟倚高樓傍檻西碧窓回覽夕陽低雪消芳渚鷗爭泛春  
到垂楊鳥自啼商舸近橋帆影亂女墻如帶草痕齊停杯  
不盡興亡感六代豪華水一溪

正月晦日遊徐氏西園晚過杏花村遂登鳳臺次韻

蒲汀二首

芳時嘉侶共招尋眺遠憑高快賞心城畔古丘封碧草水  
邊遲日媚青林遙山雨霽千峯出近郭烟浮萬井沉向晚  
欲歸還小立關關幽鳥送春音

步標名園酒且隨興高翻怕主人知繁花臨岸水虛照叢  
竹倚巖風倒吹懶慢不妨終日坐登臨如有隔年期春塘  
見說鱸魚美欲把長竿理釣絲

登雨花臺

春日登臺覽舊邦東南形勝果無雙川從楚蜀斜趨海山  
起燕雲直跨江回首望鄉歌屢奏側身懷古思難降風花  
散落真如雨不見高僧擁法幢

登直沽城樓

宦遊數覽東南勝西北乾坤見此樓冠冕八方通驛道河  
山千里控神州風連碣石雲秋黯日倒扶桑海夕流老病



獨懸戎馬涕俯身疑入洞庭舟

書事

六軍南下九秋時江寇平來廟筭竒不信土人傳接駕似  
聞天語詔班師問閭稼穡真須問水陸兵戈恐未宜東海  
細臣瞻巨斗北樞終夜幾曾移

博望道中

十月郊原草木空旅懷家難百憂中長河滾滾荒山渡落  
日蕭蕭大樹風才報捷書收劍外早聞群盜起關東孤臣  
淚血孤兒涕遠道吞聲洒未窮

汝州道中書懷

北堂慈母六旬餘我別何人問起居老去夢魂惟故國病  
來甘旨有園蔬春衣密線懷東野夜杼鳴梭魏子與虛信  
宦遊兼色養一年回首半征車

內黃道中

黃池岸邊風起沙江陵行客正思家即愁朱紱淹歸計况  
對青林感物華南郡永懷丞相栢東門誰種故侯瓜荒臺  
古苑經過地落日時聞奏鼓笳

宣城道中書事

路出荆門不斷山西通巴塞北秦關四方群盜何時息五  
月征夫且未閑羊祜塚荒碑七尺武侯祠古屋三間蒼涼



雲日江村午愁絕東流去不還

自潼口入襄陽道中值雨復霽

遙遙村舍起孤烟曖曖斜光落暮川行處祗疑身入畫別  
來應有夢相牽沙邊古柳雙棲鷺石上輕箬一釣船趨府  
不愁江路黑碧山蘿月已娟娟

午日渡江

壬午夏亦以是日渡江

薰風蒲荻大江波客擢經年感再過端午又逢新節序秣  
陵猶是舊山河臺空紫鳳流音遠水抱青龍王氣多慙愧  
秩宗遷轉地未閑三禮髮雙皤

七月四日泛湖次暮春佛寺韻

湖上扁舟寺裏登水雲如浪白層層橫橋積雨斜仍斷卧  
石臨溪淨可凭却過竹林忘問主欲尋蓮社恨無僧酒酣  
更向城南眺落日滿山烟翠凝

河西遊王世賢園林

不到中園今十載重來猶及暮春初嬌鶯乳燕元相得翠  
柳紅桃亦不踈情洽已看三作主路長誰爲數傳書無端  
又是江陵別落日登臺思有餘

湖上同張行人章太守泛舟

水際雲霞蒸暮天雨中舟楫似登仙尋幽與遠徐徐棹懷  
古詩成細細編詞客喜逢張說在郡侯兼得李邕賢奚囊



勝有鵝池黑閑就湖亭石上研

題吳白樓借屋卷

草園亭樹竹圍菴十載真成故事談忽漫得來元不偶  
然稱借亦何慙詩篇舊已傳都下畫筆今須倩魯南  
字却過昔遊尋往迹月中門巷幾留驂

陳編脩沂

題曹僉憲時範曲林倡和卷次遂菴韻

曲林門巷繞溪斜近接三門洞水涯豈必山中稱相府自  
應雲外有仙家斧斤不到陰森樹池館長開爛熳花最愛  
隱居生計好筆床詩卷領年華

題張桐鄉遺愛卷次屠尚書韻

一從明府出岩廊租吏三年不下鄉日出野田聞雉鳴  
移江館見鳧翔徵遷路入秦京遠撫字名歸漢吏良遺愛  
古人誰得似羊公碑與召公棠

二月下泮寺署牡丹盛開一本六柯為朶九十有七

因柬五清寺長

五松亭外牡丹叢忽漫開花二月中潛養自應歸閨臘急  
催無乃借春風承闌雨葉深垂紺映水霞姿淺帶紅仙種  
似知矜絕代特教題品付宗工

詠東園黃牡丹二首

霽園霞石媚春光結侶看春坐夕陽天上謫仙逢李白世



間名品見姚黃千鬢萬瓣深含態細幕輕簾迥透香後會  
恐遲花謝去携尊明日過林塘

蒲山司馬興偏豪洛水先生意獨勞正想故園看畫譜忽  
驚仙彩傍春醪中央色染金衣薄上品名齊玉價高移席  
坐吟還立賞暮林鴉散起松濤

### 山館坐雨

野霧山霏接棟浮廣堂重幕颭如秋四簷急雨鳴且亂萬  
里長風吹不休鄉國幾時來短札家人何處泊孤舟朝來  
對鏡休相訝定有霜華上黑頭

### 舟次寶應聞轉官太僕之報述懷

遠傳新命下江臯切喜閑官領騎曹宸輦未由隨日馭客  
舟先免泝風濤山圍四塞城池古月出千峯紫翠高期效  
昔賢安吏隱醉翁亭上讀離騷

### 偶成

故鄉纔別轉思歸無奈東風戀客衣歲月忽驚愁髮改湖  
山翻覺賞心非春殘小院啼黃鳥雨過閑堦長綠薇圖書  
可占棲隱志邇來常掛子陵磯

### 金陵春日有懷孟有涯兼憶亡友大復子

往在東山賦索居榻來南國轉愁予風前玉樹時難見袖  
裏瑤華日漸疎京洛舊傳東野句茂陵新出長卿書交游



意氣關生死伐木歌殘恨有餘

初雪有懷

江南子月稀逢雪子月今年雪可書近借曉光分客牖遠  
通春信到山居含沙細草纖纖出破臘踈梅宛宛舒却憶  
海濱垂白叟幾時乘興訪吾廬

病起偶成

卧病秋殘筋力微步園初試越羅衣鏡中白髮羞空老江  
上青山笑未歸陽鳥又侵霜菊至陰霞常接斗城飛邊軍  
跋扈朝臣死北望燕雲信轉稀

辛巳書事七首

居庸碣石控胡門玉几由來北極尊閣道逶迤經海岱天  
河隱見出崑崙斗間遙識三階列日下從知九軌存奠鼎  
卜郊非浪事萬年珪鬯保文孫

秦陵松柏五雲高再見周康握赤刀南斗龍文占王氣中  
原馳道擁旌旄要荒不亂貽謀遠磐石相維締構牢弘治  
名臣天憖在元功應數舊蕭曹

龜食庚庚發啓光龍顏日角映扶桑九朝琬琰陳東序萬  
國山河履職方總道祥麟傳寶錄更看天派渡銀潢軒虞  
落落鴻鈞轉矯首滄溟望八荒

漢水東流夢澤開雲蒸龍氣劃爭迴襄城七聖翔空下少



室三花拂駕來河伯寶圖森地軸上公玉冊自中台千秋  
萬歲應思沛悵慕歌風擬築臺

明光甲帳下金墀中史星輅降紫泥三殿絲綸垂象麗九  
霄日月覆盆低雲扶寶鼎皇風穆天統璣衡舜政齊更有  
求賢溫語切龍光長指釣磻溪

內使傳宣總插貂虎賁聯絡通乘輅爾曹肉食渾無賴天  
下軍輸半已凋朔雪皇風歸紫極銅駝金馬鬱青霄萬年  
歷服超三五努力夔龍納帝堯

曉仗彤雲拂羽旗大行重引漢官儀紫衣簪筆鈞陳迥白  
虎談經刻滿逢謾道春王傳正朔似聞天樂奏咸池南天

落寞江湖遠北斗時依藿食私

書寢

冶城山下水雲居落木驚心書寢餘多病一秋稀出戶故  
交經月少通書琴聲自識鍾儀苦禮法同憐阮籍踈且欲  
乘流問遼島海門風浪近何如

病中

卧病荆南逢暮春水雲江日俱鮮新可憐楊柳色已暗無  
柰流鶯聲太頻懷土仲宣空有賦傷時杜老益沾巾黃牛  
西接連天嶺烽火猶驚報虜塵

書郡中懷用前韻



自分銅虎出邦畿江漢蒼茫舊侶稀家慶久違三釜養朝  
恩猶有十年衣劔南烽火頻傳箭河北干戈未解國恨殺  
仲宣樓大迥一回登望一思歸

蝸傷右足詩以寫懷

足蝸常懷子美愁下堂今抱子春憂浮生禍福深難料卒  
歲行藏可待謀香抱水荷花自晚響回風葉樹先秋不眠  
起坐還中夜却傍銀河望女牛

和馬尚寶文明讀杜秋興有感之作

杜陵寂寞幾經時遣興空留卷裏詩早覺冰霜成歲晚可  
憐松菊後秋衰秦城樓閣千年思蜀道烟花萬里悲異代

那知亦同感古臺寒日雨絲絲

中元登先墓

野黍離離隴日懸故山行處轉淒然燕關楚澤三千里春  
露秋霜十四年柳子敢忘丘墓想王生真廢蓼我篇清川  
錦樹俱愁思腸斷孤村急暮蟬

九月八日奉謁先壠述感

坡陀行盡見高丘鬱鬱佳城霽霽浮精衛不消填海恨鶴  
鴒長抱在原愁荒山涕淚三年道落木風霜九月秋腸斷  
墓田多碧草別來誰與荷鋤脩

遊華嚴寺二首



身近魯門家近齊散心隨處酒堪携  
端居頗覺閑於鳥痛飲何妨醉似泥  
禪坐老僧窺牖覩宦遊行子入林迷  
迂夫欲別還三笑錯認西河是虎溪  
行李蕭蕭石徑斜遠遊襄楚過章華  
多才豈料長安守直道翻乘漢水槎  
白帝夜猿仍月樹黃陵秋鴈且霜茄  
知君萬里懷鄉處背坐秋風指菊花

石溪殷子約遊永寧寺不果

寺古塵囂晝不侵杖藜蕭洒散愁心  
三山影落花龕迥五月寒生碧斂深  
臘久老僧長入定雨餘新竹自成林  
憐予亦有追隨願覺路蒼茫未可尋

三月三日陪藩臬諸公登千佛山寺

故山還與故人登石磴峒峴梵閣層  
南郭正當春晚出北闌遙對暮雲凭  
含風翠壁懸千佛落日青林見一僧  
車馬載馳燈火亂坐欣歸路夕光凝

八月二十日遊千佛寺二首

夕陽衰草路登登雨過秋山爽氣層  
松斂可因叅佛到鮮牆聊爲覓詩凭  
且拚酌酎陪仙侶莫把輪迴叩老僧  
北望古城蒼翠裏萬家樓館炊烟凝

晚秋何似暮春登復嶂迴巒翠且層  
岩菊有霜行可采寺門無雨坐堪凭  
情知幻境誰非客恍記前身我是僧  
閑上



法臺翻貝葉天花不見土花凝

登白雲山絕頂題福林寺壁

絕頂烟霞湧佛宮有輿百轉路繞通群山下瞰惟蒼霧孤  
嶂高懸有烈風跌坐可憐禪榻穩豪吟那放酒尊空欲從  
地上搜靈異東括名山更幾重

歸寺

荒荒野徑蒼苔滑淺淺僧房白竹斜晝坐不知誰是主暮  
歸聊以此爲家幾聲畫角吹山雨十里朱門鎖苑花行止  
也知無定着寒雲枯木楚天涯

清涼寺次韻

許日看輿不到山重來猶聽鳥關關川原隱映斜光外陵  
廟參差王氣間風妥暮花侵座濕雨催春竹過林斑白雲  
深處無鷄狗轉覺僧家歲月閑

盧龍觀次韻

颭颭長風吹茂林江鼉噴浪蒼潮音天迴四野青霞爛日  
射重巖紫氣深鄉土實懸莊鳥念闕庭虛抱子牟心名山  
不到今三載倚杖春殘且一臨

夜過印寺望鏡光閣不遂登眺感而有作

月明西湖行逕微夜久不覺露沾衣遙憐黃菊向誰好獨  
繞垂楊騎馬歸寺門杳杳鍾初定林木蒼蒼鴉亂飛閣上



主僧今寂寞後時踪跡轉應稀

遊林慮山黃花寺

黃花峪臨千萬山招提更在萬山間  
窓圍白石冬逾靜門  
偃紅椒晝不關迎日岫烟生島島咽  
冰岩瀑下潺潺場苗  
可用維吾馬已判東峰上月還

遊清涼寺二首次貞菴中丞韻

春寒歲事虛疑晚二月荒臺樹已花  
壁上古今空月露  
酒中天地漭雲沙  
青山曉應千門柳  
紫殿晴開五色霞  
身在帝鄉還戀主  
祗緣西北是京華

竹深泉響不聞鐘古殿虛廊繫客驄  
高步豈須論世外賞

心原只在山中花  
明草碧春方麗  
虎踞龍盤地且雄  
借問曲江攀杏侶  
幾人華髮讌遊同

岳母王太夫人壽六十

太君年紀六更旬  
母德芬芳孟氏鄰  
封級早看登二品  
壽筵長喜對三春  
雲移北海青鸞近  
雨入東臺碧草新  
我亦半生稱半子  
獻觴無地遠傷神

劉繼志壽迺翁 翁嘗為華縣丞

種種頭顱過八旬  
草堂風月自相親  
溪邊白鳥閑中興  
雨後青山醉裏神  
老矣漫憐田氏客  
美哉重見畝丘人  
鞏川梅柳香名在  
笑殺兒曹浪潔身



劉安遙想是前身落落東山復幾人青漢月明鴻閃燦碧  
松雲冷鶴精神稚孫曉課呈時喜遊子春衫拜處親壽酒  
未央家慶在祗應從此更千旬

壽同年少宰朱玉峰五十

玉堂天府迥無塵江藕山桃獻壽新不信麒麟應祥瑞正  
須龍馬配精神春秋五十今壬午禮樂三千舊丙辰尊筆  
幸隨珠履後獨慚張詠榜中人

壽東湖錢水部八十次韻

青門二十年前路白髮長歌歸去來詩比放翁還萬首酒  
同張旭且三杯柴關竹塢通樵徑水鷺沙鷗狎釣臺最喜

中秋近華旦壽尊常對月明開

壽同年青克仁乃翁

璽絲省客鵬爲服戲彩卽君身作衣弘景掛冠心早遂王  
陽回馭願無違尊香晚岸江鱸美稻熟秋田石蟹肥七十  
漫言今少見二人林下古來稀

壽訥齋王封君

竹園槐屋久藏珍水思山情老更真文會故同居洛叟武  
陵何羨避秦人魚竿舊隱時分席身縉新封懶掛身壽域  
晚開城市遠只因無地着紅塵

壽同年黎侍御乾兆六十



楚蒙山下樹圍村共識先朝柱史門衣上主恩餘  
獬廌水邊家計有鷄豚初憐忤貴兼辭富晚喜生兒且見孫惆悵  
同袍不同國壽筵何日對芳傳

壽馬都督

幕府晴開壽域新雪華江色動先春南征舊節閑金虎北  
覲新袍炫玉麟呂望不慙名尚父孔明奚但策如神靈椿  
老幹千年秀宛似將軍報主身

壽石溪

石翁散髮青溪岸瘦骨嶙峋照水寒樂在祗緣清可濯壽  
高應得靜相看乾坤百歲長為主霄漢中年早棄官長對

此溪還此石不須蓬海跨飛鸞

壽周北渚

草堂琴鶴伴孤清睡足西窓夢不驚短髮柔須愁杜甫濁  
醪元自識淵明青松翠竹盤桓地北海南山頌禱情長憶  
壽筵歌吹裏夜深燈火亂春城

陳筠溪叅政生日

四月二日天氣新筠溪老人元降辰搏海大鵬開羽翼入  
雲龍馬試精神窓中嶽色堪齊壽閣外薇香且殿春無奈  
慶筵還別酒北山歌罷賦靈椿

盛封君壽詩

俞憲德章父也繼揚人



典屬冰銜柱史袍此生恩遇幾人遭天臨北斗清光近地  
入東山壽域高雲母屏虛流瑞雪梅花香暖傍仙桃廣陵  
歸棹同春發別夢誰憐客子勞

壽陳封君同年文鳴之父

一枝脩竹兩芒鞋踏遍沙汀與石崖幽興不隨華髮變勝  
遊真與素心諧舟中白髮坡仙夢樓上青山范老懷遙憶  
壽筵秋色好桂花香裏醉高齋

壽菊泉

麻姑春酒報初成壽宴新開夜雨晴紅杏園林花正好綠  
楊池館地偏清翩翩海鶴雲中下隱隱舟爐竹外明爲是

名聲注仙錄懶教踪跡傍神京

閣燈筵際結花新禁鼓樓中送點頻對酒子堪稱壽客揮  
毫吾且愧詩人南山北海千年頌碧柳紅桃二月春聞道  
入山行採藥欲隨仙步恐無因

舒通判輓詩七十卒于官

枕雞初夢鏡虺蟠回首西山落照殘別駕漫傳京兆笑浮  
生真過古稀難都門送客三千乘楚水歸航十八灘獵獵  
丹旌江雨濕幾人垂淚里中看

送景前溪司業塋

鳳西岡頭飛素旌鳳西岡下起新塋空餘二水三山色不



盡千秋萬古情國士苦難逢賈誼館人獨自說陽城蒼涼  
雪日松阡午腸斷孤猿裊裊聲

哭同年五清劉先生二首

幾聽鄰遂起悲歌舊屋依然怯再過紫殿不聞司馬入蒼

生其柰謝公何庭花宛宛開新藥公未歿數問寺署牡丹開否圃樹陰

陰發故柯寺署清風亭惆悵禮臺行樂處清風蕭颯暮寒

多

公心元自我心同我病真還爲哭公言笑忽看冥漠外夢

魂如在別離中青藜夜慘歸劉向絳帳春寒失馬融西望

錦城天萬里峽猿江草恨無窮

兩過夢惠禪房亾姬殯所有感

嬌兒頑劣如生馬出語驚人近老成汝死忽看青歲改吾

衰長嘆白頭盈春寺暝雲雙戶掩夜窓寒雨一燈明扁舟

旅襯何時發北望鄉關淚滿纓

除夕哭祖母三首

千里重闌罷倚門此生寧復侍晨昏貽謀遠爲兒孫計罔

極真同父母恩壹吐北堂空被雪婆沉東海忽無垠數回

欲辦屠蘇酒誰向泉臺致一尊

抱孫曾許繼弓裘百樂恩深歲月悠嘉樹綠陰三畝宅紫

芸香業萬書樓歸耕尚想誇重慶死別那知是遠遊却對



畫闌如夢裏海仙何日更添壽

淚盡寒宵泣未窮束茅燃火候晨鐘春暉寸草天涯夢白  
髮青裙畫裏容家廟又增新主一寢堂應撤舊闌重悔來  
閭闔陳情晚不是儒冠解誤儂

何子元祖僉事公輓詩次楊柳塘韻

劍化空江鶴唳亭主人長寐幾時醒平原不降真卿雨箕  
尾先成傳說星嘉樹綠陰餘舊業近郊玄壤闕新銘鄉祠  
俎豆精靈在歲歲秋風黍稷馨

吳同年范副使淵無悼亡友徐博士禎卿同空同李

子作

五年奔走別朝班涕淚長因舊侶潛在楚早傷徐孺子遊  
梁今哭范君山孤魂夜繞青楓闕徐卒旅殯春移玉壘關  
范卒兩地荒墳吊何日夢迷岐路只空還

殷石溪哭子之作

聞君失却嬌生子老淚淋漓尺五棺情逐雨花春落冥恨  
隨江水夜瀾漫簾前逐鳥竿猶在紙上塗鴉墨未乾應對  
阿婆傷往事啼鳥聲裏說更殘

前身應有再來時請看東園十歲兒且喜未衰難絕望共  
知無益省懸思維熊夢擬重符兆談虎詩慙獨後期早晚  
共携收淚酒慰君懷抱破君疑



周仲禮二親輓詩

雙鶴何年下碧松寢門幽寂杳仙踪山中諫議無書上地  
下恩光有詔封鷺錦巧裁焚處服翟冠重補畫時容天涯  
客子秋來恨庭葉蕭蕭草露濃

同年范君山絕筆之作次韻

采芳南國早應休菟夢猶尋杜若洲不見旅旌天外返空  
餘詩草世間收靈君實抱湘流恨子美虛懷蜀道遊惆悵  
桂陽山下塚斷猿衰鶴領春秋

春迎遺詔述哀

遠聞哀詔出燕關武帝仙遊去不還穆座自應歸祖廟壽  
觴誰與奉慈顏六龍晚駕宮門寂八駿春嘶御廐閑風裊  
亂花雲日慘祗疑身世夢菟間

舟中

江烟江霧擁江漕漫領長風入短袍倦裏一盃聊放浪病  
餘雙鬢轉刁騷惟應好事成非易耐爾今人論大高自說  
齊竽三百輩總然無較亦應逃

坐中

城頭小堞風烟古海上荒更鼓角遲潮落潮生看夜月春  
留春去有花枝子卿心事祗須乳太史文章蠶竟移豪傑  
也應無別調坐中意氣忽成詩



追和元馬伯常學士無題韻四首

荔子從知賁越江于今錦樹幾幢幢漢姬燕去釵誰合葉  
令鳥來鳥自雙露重桂香閑滿院日長蘿影冷搖窓不應  
又浣西谿曲何限行雲學水滄

微微碧草亦生光金何知夜自香一遣濃春閑蝶粉幾  
看新月上鴉黃簫疑雲外過王子珮似風前著女郎欲理  
殘機多少恨先愁寒到寄衣裳

玄洲一向不通潮忍病還期度石橋青瑣風微簾自靜紫  
臺天近路何遙商絃調絕饒纖指舞袖歌遲陋細腰雲雨  
大都容易散不如隨鳳教吹簫

何事愁生鬢脚垂嫌他不是折肱醫素紈香篋方捐日青  
綆銀床欲汲時風定宮花香自送月明階樹影空移憑誰  
爲報瑤池信好把黃金贖玉卮

紀會二首

歲月行春早散衙忽陪驄馬到君家雪殘不用兒童掃星  
聚還應太史誇僻性喜看庭近竹老年徒夢筆生花步林  
却動鄉園感羞見枝頭反哺鴉

訪舊春城白日斜相逢詞客盡名家論文聚首元非約憂  
國同心可是誇庭栢故留驄馬步檻風欲動海棠花徘徊  
不盡鶯鳴意杳杳回驂接慎鴉



希尹謎詩戲荅次韻

棄置帶疑秋扇同招尋何敢望東風梅消花雪春方露鯉  
出火河信始通終夜綵雲飛夢裏幾時明月墮懷中西州  
道路誰能識爲訪當年賣卜翁

雨後讀三國志

積雨偏能感四愁濁醪真可散千憂自憐好客過文舉敢  
望生兒如仲謀花塢靜看朱檻暮草堂閑對碧山秋菴蘭  
架底黃昏月且抱青芻學飯牛

八月四日定齋侍御過我小軒索觀古刻左傳及聖  
教序諸帖留詠次韻荅之

舸牽親勞柱史登履痕新破石苔層踈簾不爲看山捲曲  
几還留聽雨凭左傳癖成憐晋客右軍書在感唐僧停盃  
劇論懷千古坐對流雲思轉疑

八月既望會飲東園次聯句韻二首

吟倚巖花句亦香坐臨山石意先涼自憐久抱烟霞疾敢  
擬深陪翰墨場江木暮喧收雨靜禁樓寒色鎖烟長秋池  
水落芙蓉謝懶對清尊賦采芳

露毫濃染墨花香風榭微生白苧涼狂愛雨吟憑曲檻醉  
疑秋戰試文場山前碧柳垂垂細石上青蘿宛宛長頗惟  
王孫大多事鎮教園景四時芳



和泛池三首

窈窕迴塘西郭邊  
濯纓人上采蓮船  
鳥鳴花放一尊酒  
雲白山青萬里天  
畫錦堂前真宰相  
蓬萊頂上舊神仙  
極知匡輔平生力  
骨鯁原來不是偏

聞結茅亭傍水邊  
幾時同泛釣魚船  
酒賓詩主東南美  
簪月光風上下天  
白雪可須推郢調  
黃州真屢夢坡仙  
休嫌小隱鄰城市  
心遠由來地自偏

輟耕常在水雲邊  
困即橫肱飽放船  
夢裏羽裳來白鶴  
醉中簾幙是青天  
歸湖泛老真忘世  
辟穀留侯假學仙  
爲問芙蓉最深處  
幾回吟對月華偏

宿石橋驛自荊州奔喪回

冷雨淒風十月天  
亂峯孤館入蒼烟  
門前不改還鄉路  
壁上猶題出守年  
溪水平添荒堰沒  
石橋橫斷古槎連  
麻衣草坐蕭蕭暮  
一度懷親一泫然

西征詩爲洪尚書作

中興天子籌邊日  
總制尚書破賊秋  
俘虜未旋雲鳥陣  
捷書先達鳳凰樓  
西南道路通三峽  
老穉懽聲動九州  
千古汗青誰似得  
仲淹威望子房謀

奉同南坦司空通濟橋觀月

美人東去忽經秋  
坐憶茗溪動別愁  
問信幾回湖外舸  
看



山何處水邊樓送憐短髮風塵暗可耐長江日夜流俯仰  
少年心萬里夢魂曾伴史遷遊

與仰止對奕限韻

望極川流日向東碧波搖漾落花紅未論岐路三春苦且  
喜舟航一笑同世事盡拋棊局外旅懷兼付酒盃中憑君  
莫守惺惺法沙岸狂飈力正雄

十年曾讀爛柯文幾叩玄機思入雲水戰忽看春及暮火  
攻嘗到夜初分深憐詭道時乘我不分羸籌日在君欲把  
興亡付沉醉浹辰多病謝芳葦

問史判乞奕子

出洞經年敵手稀袖携仙譜日邊歸枰留謝墅花陰靜地  
隔商山草徑微啼樹雨鳩俄並立入簾風燕故斜飛端居  
苦憶王樵侶永晝雙開客寺扉

四月二日對雨

首夏山堂雷雨深濕雲驕靄遮層陰爭飛紫燕嗔相及貪  
長青莎喜自禁烽火不時傳外警樓船終日倘東臨何人  
更奏文園賦晚暮遲徊折寸心

觀桃次韻

影落西池第幾灣種分原自海中間後天合此仙翁歲向  
日真同少女顏已遣石闌承靚麗更教宮柳伴清閑野夫



喜見周南化坐詠桃夭帶月還

壽藏

碧山深處卜佳城六櫬親栽萬古情  
離下後身陶隱士畫中知己趙臺卿  
鄰翁過訪分泉飲童子迎歸拄杖行  
應笑紛紛學仙侶藥爐辛苦望長生

送客登樓

名樓遙對遠山開不是尋常避暑來  
座上風流渾笑語城中幽勝幾池臺  
鳴蜩噤噤還青柳返照盈盈且綠苔  
共說廟堂虛席待別筵休惜共深杯

上客離筵未易開請期先上假山來  
林收宿雨迴芳苑水抱晴雲映古臺  
雅望即須歸紫閣行踪聊爾寄蒼苔  
舟中好著千秋鑑一獻君王萬壽杯

奉回冬去年如箭菊白梅黃又碧挑  
秦隴暮雲牽夢遠楚江寒月弄潮高  
舟車萬里憐孤跡山水平生托醉毫  
遙憶石頭回建業古臺遊鳳長新毛

一辭東海釣魚磯五見疎林木葉飛  
漳浦去留非嗜寒子山詞賦本思歸  
秋深苑圃黃花在寒入關山白草菲  
忽有錦鱗傳尺素轉憐江表故人稀



偶將棊會作離筵翠竹紅梅雪後天客抱祗知尋勝槩官  
階何必論遙遷極知東道心相狎頗愛西鄰地自備謝  
曲池看不厭小山尊俎興無邊

與君曾醉仲宣樓短句長歌篋裡收清讌偶同吳苑夕碧  
雲猶似楚江秋乾坤華髮年年改岐路青山處處幽君入  
帝鄉歸合早老夫行矣狎浮丘

鴈去曾教違我書逢君恰值鴈來初官崇自畏雲霄近  
懶人疑案牘踈對月有詩懷李白感時多病恨相如年來  
行路真非易岸有豺狼水鱉魚

五馬翩翩百里來念君長憶賈生才離盃正苦中年對祖  
燕還同上客開夜市柝聲連畫角月鑪香篆剩殘灰明朝  
更約湖亭賞看我披蓑上釣臺

醉裏浩歌天馬來空群誰不羨君才騰驤國市千夫避蹶  
踏沙場萬里開駿骨自應天廐養壯心寧爲圉人灰長鳴  
却過燕山道惆悵黃金舊日臺



和野亭韻

錦袍玉帶賦歸農竹杖芒鞋伴一翁  
風月乾坤隨處是江湖廊廟此心同  
閑招海鶴塔前舞笑看晨霞水際紅  
爭向盛時誇勇退不知身在急流中

世業相承士與農共將耕讀伴而翁  
風塵脫灑功名外出處分明道義同  
月底酒觴和露白馬邊籬菊冒霜紅  
閑歌獨樂園中句欲把陳留當洛中

曾笑樊遲學老農宦遊回首亦成翁  
風雲龍虎真奇遇民物乾坤本大同  
萬里雲開山色秀九天塵淨日光紅  
阿衡舊業如相問都在彌綸宇宙中

送辛菴

勁節清風壯此行三秦歸路及秋晴  
摩雲嶺暗朱旗繞控虜城高玉劔橫  
中使遠尋裴相宅外夷時問令公名  
水邊林下經行地笑對黃花賦濯纓

壽賈封君

綠野新開學士堂碧山雲霧接蒼茫  
靈椿獨秀千冬雪老鳳長栖萬仞岡  
肯與郡侯爲地主只教兒子報君王  
貪書我亦同關尹遲暮親逢李伯陽

仰瞻何啻斗山如離索無因問起居  
雲海漫期安舊隱橋



門俄已拜新除。增來白髮緣。耽句消盡黃金。爲賈書重會。  
莫疑叅謁少。旅情元憶縱。談餘

鷓啼芳樹血痕鮮。轉首東風。又一年。何日琴尊聊復爾。舊  
時池館。故依然。張翰興托鱸魚外。賈誼鳧鷖驚鵬鳥。前同榜  
弟兄。仍地主。幾看江月淚雙懸。

越山迢遞接吳宮。問俗尋幽。在在。同烏府。法家推漢史。洪  
都先哲。仰周公。風濤不起三江靜。雨澤潛滋。五穀豐。却恐  
乘鸞。逐茅氏。紫霞何處覓仙蹤。

九日三首次杏東韻

青鏡流年素髮催。碧山何日是歸來。情知暮景駸駸到。忍  
見秋花粲粲開。遠客正深懷。土念腐儒元乏濟。川才登高  
有興無筋力。悵望西南百丈臺。

又

江城薄暮多陰晦。雲日荒涼。聚復開。門掩綠苔頻上鎖。選  
芬黃菊。懶傳杯。看山故有陶家興。作賦元非楚客才。疎鈍  
久拚人棄置。不驚親舊少書來。

又

庭喧兒稚亦堪怡。况值黃花爛熳期。池上晚晷收凍蟹。枕



邊秋扇罷戎葵山亭月白眠長少水榭風清坐屢移昨夜  
有人東國去已教先辦買山資

成周方岳漢即官過里親承母氏懽南國路謔聞召伯西  
都還議見阿丹山花照席秋仍吐海月浮觴夜不寒藥籠  
尚留熊膽在未忘勤苦舊時丸

牙旌獵獵轉春晴畫舸搖搖江上行胡虜久紆天子策韜  
鈴遙識老臣名地從千里封秋塞人自三邊仰夏卿爲報  
凶奴莫南徙邇來中國有長城

奉次環山樓之作

古堦荒榭晚過逢載酒同澆磊砢胸墻外水通溪一曲牖  
西雲接樹千重青山自合君爲主白髮那知我亦翁別後  
有文移建業漫嘲仙吏抗塵容

自述

新年處處常爲客志在匡時那問家民病且慙無日減主  
恩何敢向人誇閑來憤世心如火老去臨文眼欲花春睡  
忽醒扶杖起夕陽天外數歸鴉

暮春病起寄懷希尹

院靜簾垂春日斜藥爐茶鼎寄生涯閑思舊侶空懷遠病



對芳辰轉憶家簷畔落泥還燕子檻邊飛絮且楊花何時  
却捲圖書去一放江門萬里槎

謁文山祠

丞相英靈消未消絳帷燈火颯寒飈乾坤浩蕩身難寄道  
路間關夢且遙花外子規燕市月水邊精衛浙江潮祠堂  
亦有西湖樹不遣南枝向北朝

郊齋有作呈北寺舊僚長二首

石城鍾鼓散鳴鴉坐對松雲放早衙瑤草色通西苑路玉  
簫聲度上清家江涵碧殿春同麗雪霽鍾山日轉華此景  
北都應未有品題遙向故人誇

往歲春郊侍紫庭步從龍袞夜祈靈芝房窈窕行宮轉羽  
衛驟驪法駕停風落殿鍾流遠近霧隨壇燎上空冥端居  
想像南江表佇立時看北斗星

又

六尺長身一瘦筇天涯隨處寄行蹤牛岡舊卧留雙穴龍  
脉新分定幾峯茆舍敢來天子問布衣還許上公封獨憐  
叔亮千年塚漠漠青莎鳥跡重

又

萬里投荒未死身賈生今是老成人五經不盡青燈夜一  
簡空餘絲筆春何事天公偏厄道無情河伯枉稱神平生



知己如君少莫恠臨風淚滿巾

又

浮雲天際望悠然嶺徼歸來又六年一癖已成吟更苦五  
寤不去守逾堅周家風月襟懷裏范老江湖涕淚前却恠  
別知無一字也應遺恨向重泉

又

百年豪氣未消磨北騎南航苦更多戀闕有懷隨口出乞  
祠無計柰身何山連巴蜀雲層瘴春入瀟湘水漫波最是  
遊竟招不得隔江愁聽楚人歌

坐聽寒鼓二更餘一榻全勝兩地書愁到幾時憑我解病  
從今日爲君除雪泥滿地淹行李雲島如天阻卜居莫恠  
明朝欲投轄江湖回首爲應踈

送曹水部

天涯離袂惜秋分客枕無端別夢勤尊酒一宵同聽雨扁  
舟何處獨看雲鷺花日遠旗亭樹魚菜春香水國芹南北  
相望四千里出門回首是思君

君從北部入南臺我別南曹向北來夷館漫爲遷轉地法  
垣深倚激揚才峰巒過雪青青出桃李逢春宛宛開公暇



有詩堪寫興後湖新水正如苔

邊華泉集卷之六



